

## COMMUNICAZIUN A LAS MEDIAS

Poschiavo, ils 30 da settember 2025

### **Roland Leuenberger è nominà sco president dal cussegl administrativ da l'Axpo Holding AG**

L'Axpo Holding AG ha nominà Roland Leuenberger, CEO da la Repower AG, per il presidi da ses cussegl administrativ. Cun resalva da l'elecziun a la radunanza generala surpiglia el sia nova funcziun il 1. da zercladur 2026. Fin a quest termin maina el vinavant la Repower AG. Il cussegl administrativ ha lantschà il process da successiun.

Roland Leuenberger è dapi il 2019 CEO da la Repower AG. Avant è el gia stà commember dal cussegl administrativ dapi il 2016. Sia nova incumbensa sco president dal cussegl administrativ da l'Axpo cumenza el il 1. da zercladur 2026. Il cussegl administrativ da Repower ha gia lantschà la tschertga d'ina nova persuna per il post da CEO. Roland Leuenberger vegn ad ademplir vinavant sias incumbensas sco CEO da la Repower AG fin a sia sortida sin il 1. da zercladur 2026. En il senn d'ina buna guvernanza vegn el a prender stgisa en fatschentas che pudessan manar ad in conflict d'interess cun sia activitad futura.

#### **Il cussegl administrativ da Repower deplorescha fitg la demissiun da Roland Leuenberger**

La presidenta dal cussegl administrativ da Repower, Barbara Janom Steiner: «Jau deploresch fitg che Roland Leuenberger banduna Repower. La collavuraziun tranter il CEO, la direcziun ed il cussegl administrativ è excellenta ed ordvart fritgaivla. Era per quest motiv ed era grazia al grond engaschament da Roland Leuenberger stat l'interpresa Repower oz sin chommas uschè fermas ed è pronta da far frunt a las sfidas da l'avegnir. Cunquai che Roland Leuenberger resta anc CEO da Repower enfin la fin da matg da l'onn proxim, è garantida ina buna surdada da las fatschentas a sia successura ubain a ses successur. La proposta d'eleger Roland Leuenberger sco president dal cussegl administrativ da l'Axpo è in ulteriur mussament per la personalitad e la gronda cumpetenzia directiva e professiunala da noss CEO.»

#### **Contact**

Thomas Grond  
manader communicaziun da l'interpresa  
t +41 79 814 77 72  
[thomas.grond@repower.com](mailto:thomas.grond@repower.com)

---

## Quai è Repower

L'interpresa Repower è dapi 120 onns activa sco producenta d'electricitad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Grono, Glion, Küblis, Landquart, Turitg e Milaun. Repower è activa lung l'entira chadaina da valorisaziun da l'electricitad, da la producziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricitad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.